

restituuntur. l. 8. l. 17. l. 18. §. 1. ff. d. his, quæ ut indign. aufer. l. 29. §. 1. ff. de Iur. Fisc. Vult. d. l. Neque enim auxilium meretur, cui propter dolum, delictumque suum hereditatis emolumentum extorquetur. l. 21. §. 1. ff. ad SCt. Silan. nisi heres ex negligentia peccaverit, vel facti ignorantia deceptus aliquid admiserit, quo privationem hereditatis commeruit: tum enim actiones non improbe confusas sibi restitui, jusque debiti redintegrari postulare jure potest. d. l. 17. ff. de His, quæ ut indign. d. l. 21. §. 1. ad SCt. Silan. Brisson. d. l. Colleg. Jur. Argent. ad ff. tit. de Solut. th. 23.

XXIV.

Cæterum suus heres ipso jure ignorans quoque & invitus sibi acquirit hereditatem, ita ut nulla opus habeat aditione. §. 2. I. d. Her. Qual. & Diff. §. 3. I. d. Hered. quæ ab intest. defer. l. 14. ff. de suis & legit. hered. l. 3. C. d. Iur. deliber. proinde fieri non potest, quin si ipse ratione peculii adventitii vel castrensis patri, vel pater ipsi aliquid debuerit, hujus debiti confusio ipso jure quoque inducatur, per ea, quæ in præcedd. thes. dicta. quia vero novo jure ex concessione Prætoris beneficium habet abstinendi ab hereditate paterna ipso jure sibi acquisita, sequitur, quod si hoc remedio usus fuerit, jura sua nihilominus salva atque integra sit habiturus, cum post abstentionem nominatenus sit heres. l. 30. §. 10. ff. de fideicom. libert. sed sine effectu. l. 38. l. 57. pr. ff. de Acquir. Hered. si vero sese hereditati acquisitæ immiscuerit, per illam immixtionem demum confusionis effectus plene inducatur, quoniam tunc cum effectu factus est heres. d. l. 38. ff. d. A. H. l. 10. C. d. Iur. deliber.

XXV.

Successionis universalis præcipua quoque species est bonorum possessio. §. f. I. per quas person. cuique dom. acquir. l. 24. §. 1. ff. Famil. ercisc. acquiritur enim per eam, non minus ac per hereditatem rerum universitas, quæ commoda & incommoda, jura defuncti activa & passiva complectitur. l. 1. l. 3. ff. de bon. possess. l. 13. pr. ff. de bon. possess. contra tabb. quod si ergo quis non quidem Jure Civili heres, sed beneficio Prætoris bonorum possessor seu successor honorarius factus fuerit, omnia jura, quæ vel ipse circa res defuncti,

2. Bonorum
possessio.

C

vel